

宋诗纪事

二



〔清〕厲鶚
輯撰

〔清〕厲鶚 輯撰

宋詩紀事

二



宋詩紀事卷二十五

錢唐 厲鶚 毛德基 輯定

晁端友

端友字君成，迴四世孫，无咎之父。第進士。爲杭州新城令。有新城集。

葉石林云：外祖晁君成，善詩。蘇子瞻所謂清厚靜深如其爲人者也。

黃庭堅撰晁君成墓志銘：晁氏世載遠矣，而中微。有諱迴者，事某陵爲翰林學士承旨，以太子少保致仕，諡文元。生執政，開封，晁氏始顯。君成會王父諱迪，贈刑部侍郎；王父諱宗簡，贈吏部尙書；父諱仲偃，庫部員外郎，刑部視文元母弟也。君成夫人楊氏，生一男，則補之。以元豐甲子十月乙酉，葬君成于濟州任城之呂原。

宿濟州西門外旅館

寒林殘日欲棲鳥，壁裏青燈乍有無。小雨愔愔人不寐，臥聽羸馬齧殘芻。合璧事類續集

馬處厚席上探得早梅

嶺梅何處早，雪裏看芳菲。北陸寒猶在，南枝春已歸。曉妝初見妒，殘角未成飛。引我江頭夢，清香憶滿衣。瀟湘律髓

甘露寺

寺有石如臥羊，謂之「很石」。

北固山頭寺，風煙昔縱觀。臥亭秋石很，環舍海濤寒。越舶樓前聚，江楓戶外丹。最宜清夜月，虛閣憶

盤桓。

早行

馬上雞初唱，天涯星未稀。驚風時墜笠，零露暗霑衣。山下疎鐘發，林梢獨鳥飛。遠峯煙靄澹，迤邐見朝暉。以上文翰類選

齊 廓

廓字公廓，會稽人。舉進士。歷三司度支，判開封府，出爲江淮轉運使，積官至光祿卿祕書監卒。

寶林寺

峯勢聳如龜，簷牙照錦輦。路盤危磴出，僧觸斷雲歸。萬井分塵界，千巖列翠圍。浮生任多事，到此合忘機。越詠

如歸亭

輦飛綺構成，賓至得佳名。岫列千螺出，江涵匹練平。吟看客帆度，坐見釣舟橫。獨倚雕闌外，令人心骨清。吳江縣志

李奉世

句

珠鞍昔御恩猶在，玉輦親扶事已非。

石林詩話：神宗皇帝天性儉約，奉慈壽宮，尤盡孝道。慈聖太后嘗以乘輿服物未備，因同天節作珠子鞍轡爲壽。神宗一御于禁中，後藏去不復用。一日，與兩宮幸後苑賞花，慈聖輦至，神宗即降步親扶慈聖出輦，屢卻不從。聞者太息。慈聖上仙，李奉世時爲侍郎，進挽詩云云，蓋記此二事。神宗覽之泣下。

日錄按：二句孔平仲談苑作王存，但小異耳。今兩存之。

李行中

行中字無悔，本晉川人，徙居松江。高尙不仕，獨以詩酒自娛。晚治園亭，號醉眠。東坡居士與之遊。

賦佳人襲梅圖

蠶眉鴉髻縷金衣，折得梅花第幾枝。襲盡餘香不回面，思量何事立多時？

中吳紀聞云：意尙深遠。

自詠醉眠亭

簷低檻曲莫嫌隘，地僻草深宜晝眠。代枕暮憑溪上石，當簾時看屋頭烟。倦遊拂壁畫山逕，貪醉解衣還酒錢。一水近通西浦路，客來猶可棹漁船。

寄韓憲仲廷評

野徑荒亭草沒腰，一眠聊以永今朝。放懷不管人間事，破夢時聞夜半潮。冰柱劉叉詩未厭，金龜李白酒難招。知君有意尋安道，咫尺何時動畫橋。以上至元嘉禾志

韓宗文

題李無悔醉眠亭

得酒休論飲得仙，醉中遺物爲神全。世間反覆無窮事，吏部難忘抱甕眠。

松江府志

蘇 稅

題李無悔醉眠亭

趁陽渴鹿背清泉，之子名亭取性便。適意中間卻無事，期君忘醉亦忘眠。

松江府志

晁端佐

題李無悔醉眠亭

蕭灑松陵江上亭，醉來一夢遨雲屏。生前笑語君須惜，世事紛紛不用醒。

至元嘉禾志

關景山

景山字彥瞻，景仁弟。舉進士。

題李無悔醉眠亭

杜老顛狂尋酒伴，經旬出走只空牀。輸君縱飲還高臥，長有生涯在醉鄉。

至元嘉禾志

毋 沆

沆，太常少卿。

遊王官谷

不污唐家亂，蕭然表聖居。泉聲與山色，相得共清虛。熙寧戊申歲冬，至虞鄉縣，令俞充書。王官谷集。

王 覲

覲字明叟，如皋人。第進士。哲宗朝，擢右正言，進司諫。徽宗朝，遷御史中丞，改翰林學士，安置臨江軍卒。入黨籍。

望日與諸公會于大慈聞海雲山茶合江梅花開遂相邀同賞雖無歌舞實有清歡因成拙詩奉呈

野寺山茶昨夜開，江亭初報一枝梅。旋邀座上逍遙客，同醉花前潑灑杯。秀色霜濃方潤澤，暗香風靜更徘徊。仙姿莫遣常情妒，不帶東山妓女來。成都文類

胡宗師

和王公覲賞海雲山茶合江梅花

錦水黃金密印開，東南時望滯鹽梅。得隨劍外同爲客，幸逐花前醉倒杯。白玉藥高枝瘦碧，燕支萼嫩葉低徊。綺羅不識清詩骨，須趁春風摸石來。成都文類

徐彥孚

和王公覲賞海雲山茶合江梅花

萬藥山茶傍臘開，一番春信入江梅。追遊共按黃金轡，縱賞還傾白玉杯。濃豔迎風香斷續，疎枝橫月影徘徊。隼旗不負登臨興，更約攜朋載酒來。成都文類

吳師孟

師孟字醇翁，成都人。

成都記：吳師孟、張商英、張唐英善書。天覺喜草而不工，東坡戲之，所謂「脫帽風流餘長史」是也。

和王公觀賞海雲山茶合江梅花

何處珍叢最早開，海雲山茗合江梅。忽傳詩帥邀膚使，不用歌姬侍宴杯。曉豔鮮明同綺靡，晚妝清淡奉徘徊。此時文酒風流事，豈似臨江放蕩來。

成都運司園亭詩

和章質夫

翠錦亭

東閣治臺政，西堂備燕飲。介于二堂間，華構饒花品。紅紫鎮長春，四時如活錦。公暇一繩牀，上有通中枕。

茅菴

結茅爲圓屋，環堵不可牖。齋居如雁堂，廣長纔六肘。深藏子猷竹，不植陶潛柳。勿起滅定心，宴坐空諸有。以上成都文類

徐介

介，陽翟人。官屯田。

過杜工部墓

水與汨羅接，天心深有存。遠移工部死，來伴大夫魂。流落同千古，風騷共一源。江山不受弔，寒日下

西原。

王得臣 麀史：熙寧初，調官泊報慈寺，陽翟徐秀才出其父屯田詩，清苦平淡，有古人風。其過杜工部墓一首云云。

胡 璞

璞字器之，南平人。熙寧三年進士。

經采石渡

抗議金鑾反見讐，一杯蟬蛻此江頭。當時醉弄波間月，今作寒光萬里流。

輿地紀勝：蘇子瞻見之，疑唐人作，歎賞不已。

陸 佃

佃字農師，越州山陰人。熙寧三年，擢甲科。徽宗朝，仕至吏部尚書，拜尚書右丞，罷知亳州

卒。入黨籍。有陶山集。

送人之潤州

丹青太守舊名卿，騎竹兒童夾道迎。醉尹笙歌添酒病，謫仙風月苦詩情。江湖天地農桑早，水竹人家

枕簟清。白首懷君心未已，夢魂猶繞鳳皇城。詩林萬選

贈別吳興太守中父學士

蓬山仙子任天真，乞領南廳奏疏頻。金鎖闕邊辭黼座，水晶宮裏約朱輪。公庭事簡煩丞掾，齋閣詩多

泣鬼神。莫爲行春戀苕霅，鑾坡揮筆待詞臣。源奎律體

句

棠棣行中排宰相，梧桐名下識韓家。

能改齋漫錄：韓子華兄弟，皆爲宰相，門有梧桐，京師人以「桐木韓家」呼之，以別魏公也。子華下世，陸農師作挽章云云，蓋紀實也。

鄧忠臣

忠臣字謹思，長沙人。熙寧三年進士。仕至考功郎，坐元祐黨廢。有玉池集。

考校同文館戲贈子方兼呈文潛次无咎韻

五年坎壈哀南方，江湖魏闕兩相忘。洞蘿巖桂辜孤芳，月潭風渚儔漁郎。單闕孟夏草木長，望都樓觀鬱蒼蒼。忠臣癸亥六月以家艱去國，丁卯四月還省。誰令焚芟辭楚狂，復來上君白玉堂。黃門戟曜羽林槍，未央引籍班胡羌。雲屯錦膊馬斯臧，大官日膳瓊爲糧。追隨威鳳鳴高岡，豈敢偃息復在牀。投鈴歸休下殿傍，衛士傳詔來如驤。館闔闔外西城隍，書囊迫遽不及裝。顧俊士集要言揚，得弓勿問何人亡。趙璧旣入秦城償，穎脫喜見錐出囊。同人于野不擇鄉，錢錢羽翮整顏行。金閑玉勒皆驕驪，伯喈懷牘望金商。天啓魁梧奇偉值子房，文潛家令數術應帝王。无咎三英粲粲日爭光，我輒與之較雌黃。芳菲滿室蘭生香，坐堂月久秋氣涼。將軍思歸歌撫觴，子方倚梧目送雁南翔。想見葭菼水中央，洞庭河漢遙相望。香楓葉老赤染霜，感槩少日七步章。長安城西約鄭莊，子與子方、无咎、文潛、天啓，嘗有此約。牽率不往有底忙。人生可意乃吉祥，快馬劃過小苑牆。入門爛醉銀瓶漿，秦箏趙瑟喜高張。同文館倡和詩

邯鄲道中夜行阻風

欲瀉懸河雨，先號拔木風。問津龍吠處，覓路電光中。徒御憂羣盜，兒童笑拙翁。當知步兵哭，初不爲路窮。灑奎律體

蔡京

京字元長，興化軍仙遊人。熙寧三年進士。歷尚書右僕射，轉司空，累封魯國公，加太師。徽宗朝，凡四入相。靖康中，再被貶，死于潭州。

清波雜志：蔡京死潭州，數日不得殮，棄葬漏澤園，以青布條裹屍。初，宣和年間，京師染坊有名「太師青」者，茲其識也。

題保和殿壁

瓊瑤錯落密成林，檜竹交加午有陰。恩許塵凡時縱步，不知身在五雲深。

侍宴保和殿命賡補成篇

保和新殿麗秋暉，恩許塵凡到綺闈。雅興酒酣添逸興，玉真軒內見安妃。

見安妃像

玉真軒內暖如春，只見丹青未見人。月裏嫦娥終有恨，鑑中姑射未應真。

碧湖雜記：東都宣政間禁中有保和殿，殿西南廡，有玉真軒，軒內有玉華閣，即安妃妝閣也。妃姓劉氏，入宮，進位貴妃。林靈素以左道得幸，謂上爲長生帝君，妃爲九華玉真安妃。每降神，必別置妃位，畫妃像其中。每祀像，妃

方寢，而覺有酒容。是時羣臣，唯蔡元長最承恩遇，嘗賦詩題殿壁云云。侍宴于保和殿上，令妃見京，先有詩，命京廣補成篇。須臾，命京入軒，見妃像，京又有詩云云。已而至閣，妃出見京，勸酬至再，日暮而退。

與范謙叔飲西園

一日趨朝四日閑，荒園薄酒願交驩。三峯崛起無平地，二派爭流有激湍。極目榛蕪唯野蔓，忘憂魚鳥自波瀾。滿船載得圭璋重，更掬珠璣洗眼看。

墨莊漫錄：范致虛謙叔，與蔡元長相忤，久處閑散。宣和初，自唐州方城召還，提舉寶錄宮，未幾執政。時元長以五日一造朝，居西第，乃與謙叔釋憾。一日觴于西園，主禮勤渥，元長作詩見意。三峯二派，指王黼、林靈素輩方盛也。

恭和御製己亥十一月十三日南郊祭天齋宮卽事賜詩

雪晴至日月初南，帝舉明禋祀事嚴。萬瓦溝中寒色在，一輪空外曉光還。雲和龍軫開冰轍，風暖鸞旗拂凍簷。共喜天心扶聖德，珠璣更誤寵恩霑。

題神霄宮

下馬神霄第一回，晴空宮殿九秋開。月中桂子看時落，雲外仙輶特地來。

以上揮麈餘話

詔賜南園贈親黨

八年帷幄竟何爲，更賜南園寵太師。堪笑當時王學士，功名未有便吟詩。

中吳紀聞：南園乃廣陵王舊園，中有流杯旋螺亭，亞于滄浪之景。王黃州爲長洲時，無日不攜客醉飲，嘗賦詩云：

「他年我若功成後，乞取南園作醉鄉。」今園中大堂，遂以醉鄉名之。大觀末，蔡京罷相，欲東還，詔以其園賜之，京即以詩贈親黨云云。黃州之詩，不過寓意耳，京遽以無功名誚之。黃州雖終爲黜臣，其名與天地同不朽矣。

寄子攸

老嬾身心不自由，封書寄與淚橫流。百年信誓當深念，三伏征途盍少休。目送旌旗如昨夢，心存關塞起新愁。緇衣堂下清風滿，早早歸來醉一甌。

獨醒雜志：燕山招納之舉，多出於蔡攸。王師敗于白溝河，元長以詩寄攸云云。稍傳入禁中，徽宗命京進呈。上閱畢，曰：「三伏征途，不若攸作六月王師。」觀此，則是舉非惟當時人知其非，雖其父亦知之矣。

別寵姬

爲愛桃花三樹紅，年年歲歲惹東風。如今去逐他人手，誰復尊前念老翁。

揮塵後錄：蔡元長既南遷，中路，有旨取所寵姬慕容、邢、武者三人，以金人指名來索也。元長作詩以別云。

龍燭影中猶是臘，鳳簫聲裏已吹春。春帖子
西清詩話

蔡卞

卞字元度，與兄京同年登第。王安石妻以女，因從之學。元豐中，以薦爲國子直講。徽宗朝，累擢知樞密院，加觀文殿學士，拜昭慶軍節度使。政和末，謁歸上冢，道死。紹興初，追貶單州團練副使。

贈華陽法師

師到華陽洞，仙花幾度開。祇應常救物，卻遣世人來。

茅山志

汪泌

東湖共樂堂

臨海城東湖，氣象清且奇。無風綠色淨，十頃澄琉璃。中有共樂堂，今其名者誰？或人答我問，太守下車時。訪民所疾苦，民曰水最危。其水或暴至，城壞民流屍。公謀得上策，疊石金城基。外遣數百家，室屋鱗參差。水至無所障，適與漂溺期。又欲隄其東，苦乏土石資。開湖足取用，隄勢橫虹霓。湖光占空闊，物從鑑中窺。紫翠前後山，環列如屏幃。結堂就虛曠，與俗同遊嬉。太守宴堂上，遊人歌水湄。歌云從公來，除患補瘡痍。況有此壯觀，不樂復何爲。有如登春臺，人心舉熙熙。從事能文者，作辭書之碑。庶幾不朽功，上徹堯軒墀。

台州府志：台之東湖地，初爲水軍營。熙寧四年，郡守錢暄始開爲湖。中有共樂堂、流杯亭諸勝，汪泌有詩。

錢暄

暄字載陽，惟演子。以父蔭累官駕部郎中，知台州，拜寶文閣待制卒。子景臻，尙秦魯國大長公主。

題東湖共樂堂

疏就湖山秀氣濃，花林茂列景爭雄。管弦交奏客懽合，臺榭競登人喜同。環障鷺行飛早晚，平波魚陣

掠西東。荒蕪芟去成佳致，換得汀洲月與風。

台州府志：熙寧四年，喧守台州，累石修城。以水至漂溢，鑿湖以受衆水，凡一萬六千步，有共樂堂、流杯亭在湖心，詩云。

晁端禮

端禮字次膺。熙寧六年進士。兩爲縣令，忤上官，坐廢。晚以承事郎爲大晟府協律。有閑適集。

能改齋漫錄：政和間，大晟樂成，蔡元長以次膺薦詔，乘驛赴闕。次膺至都，會禁中嘉蓮生，遂屬詞以進，名並蒂芙蓉。上覽之稱善，除大晟府協律郎，不克受而卒。

絕句

去日玉刀封斷恨，見來金斗熨愁眉。黃昏飲散歌闌後，懊惱水邊樓上時。

侯鯖錄：次膺薄游南京，嘗作詞云：「花前月下堪垂淚，水邊樓上總關心。」後過其家，已與客飲，復作詩云。

尋常自是司空慣，咫尺寧憂丞相嗔。

漫叟詩話：次膺卽席贈妓句，雅不減張祜骰子裏手之作。

晁端受

瑯琊翠微亭

曉風吹落秋泉聲，夜雨洗出秋山色。上有樓臺深翠微，可惜丹青圖不得。滌陽志

晁端彥

端彥字美叔。官祕書監。

龍湫觀瀑

萬丈龍湫水，飛流翠壁開。始疑河漢落，翻若海潮來。飄灑四時雪，喧聞萬壑雷。廬山吾未到，氣象勝

天台。雁山志

晏幾道

幾道字叔原，號小山，殊幼子。監穎昌許田鎮。能文章，尤工樂府，有臨淄公風。子溥，字懋

開。靖康初，官河北，與妻玉牒趙氏死難。

與鄭介夫

小白長紅又滿枝，築毬場外獨支頤。春風自是人間客，張主繁華得幾時。

侯鯖錄：熙寧中，鄭俠上書事作，下獄。悉治平時所往還厚善者，晏叔原皆在數中。俠家搜得叔原與俠詩，裕陵稱之，即令釋出。

戲作示內

生計唯茲斲，般擎豈憚勞。造雖從假合，成不自埏陶。阮杓非同調，顏瓢庶共操。朝盛負餘米，暮貯藉殘糟。幸免墮間乞，終甘澤畔逃。挑宜筇作杖，捧稱葛爲袍。儻受桑間餉，何堪井上糟。淖然真自許，

噤爾未應鑒。世久輕原憲，人方逐子敖。願君同此器，珍重到霜毛。

遷莊漫錄：叔原聚書甚多，每有遷徙，其妻厭之，謂叔原有類乞兒搬漆碗，叔原作詩云云。

題司馬長卿畫像

犢鼻生涯一酒壚，當年嗤笑欲何如。窮通不屬兒曹意，自有真人愛子虛。

觀畫目送飛雁手提白魚

眼看飛雁手攜魚，似是當年綺季徒。似羨知幾避綰繳，俯嗟貪餌失江湖。人間感緒聞詩語，塵外高蹤見畫圖。三歎繪毫精寫意，慕冥傷涸兩躊躇。

公儀招觀畫

初約看花花已盡，重親閑客客應歡。眞花既不能長豔，畫在霜紈更好看。以上聲畫集

七夕

雲幙無波斗柄移，鵲慵烏慢得橋遲。若教精衛填河漢，一水還應有盡時。合璧事類前集

賀鑄

鑄字方回，衛州人。孝惠皇后族孫，娶宗女，授右班殿直。元祐中，李清臣奏換通直郎，通判

泗州、太平州卒。有慶湖遺老集。

王直方詩話：方回言：「學詩于前輩，得八句云：平淡不涉于流俗；奇古不鄰于怪癖；題詠不窘于物義；敘事不病于聲律；比興深者通物理；用事工者如己出；格見于成篇，渾然不可鑄；氣出于言外，浩然不可屈。盡心